

МАЙТЬ

17-це шистонза 1941 кизоня

55 (1851)

ПИТНЕЦ 10 тр.



Комсомолюн ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙНЪ ГОРКОМЪ ГАЗЕТАСНА

ЛИСЕНДИ

9-це КИЗОСЪ

Адресс: г. Саранск,
Советская ул., Дом печати.

Комсомольский организационный задачасна

ВКП(б)-нь XVIII-це исторический съездса Молотов ялгасъ корхтасъ: «Минь должетта сатоме сянь, штоба минь работниконыке, ёлматень эзда сивомок оцюфенди молеме, фалу мяляфтольхть государственъ и народть инголе эсь обязанностьсон колга—ванфтоме народнай добратъ и обращаться сонь мархтонза по-хозяйски, соблюдать расхоттень эса экономия и тевса ванфтоме народнай трёшник!»

Молотов ялгать ня указани-лизза кирдихть пяк оцю значени минь странаньконь народнай хозяйствань сядо товодонь кемокстасаса. ВКП(б)-нь XVIII-це Всесоюзная конференциясь тяфта жа шарфть оцю мяль строжайшай экономиять шири.

Сталинградский комсомолецне, ётафнемок эряфе конференциять решениязон, кармасть вятма решительнай тюрема экономиять инкса расточительность каршес. Сталинградопешень инициативасон поддержал сембе Ленинско-Сталинский комсомолс. Лама комсомольский организация сатсть трудонь производительность кеподемаса, нолави продукциять качествац цебяргофтомаса замечательнай сатфкет. Предприятиянь комсомольский организациа тне шарфть серьёзной мяль экономиять, рабочай вастъ эса чистотать шири.

Тяфтама благороднай инициатива няфтьс Саровский машиностроительнай заводонь первичнай комсомольский организациясь. Пуроптфт кафта комиссият. Фкясь синь эздост металлть, горючайть, электро-энергиять и смазочнай материалъ ванфтоманц «коряс, а омбоцесь — производстваса чистотань и порядкань тиемать коряс. Ня комиссиятне ётафтьс и тининге мольтхить оцю работа. Кочкаф мусортъ потмос ёрдаф годнай инструментта 1.500 цалковайнь питне, кочкаф металлом. Комиссиясь мусъ 2.100 кг. чистой сере, конань питнец 10.500 цалковай.

Цехнень и лия рабочай васт-

тнень эса тиф чистота и порядка. Тяни эрь комсомолец работмста тумда инголе тщательнайста чистендакшнесы эсь станоконц.

Саранск ошень котониннай фабрикань комсомолецне тяфта жа мольтхить оцю работа экономиять инкса, лездыхть партийнай организациати производственный планть пашкодемаса.

Тя тевсь эрь комсомольский организациати ащи эсь деятельностьсонза фкя инь важнейшай задачас. Саранский машинно-тракторнай станциянь комсомольский организациясь няфни цебяръ инициатива экономиять, производстваса чистотань и порядкань тиемать коряс. Комсомольский организациять вийса тиф чистота мастерскойти, ладыф цебяръста учетьс бригадирхенди деталень максомаса. Тракторонь петемать пингста комсомолецне тистъ 20000 цалковайнь питнес экономия.

Предприятиянь комсомольский организациатнень работаса оцю аф сатыксокс ащи ся, што синь кальдявста популяризовандакшнесазь сят питни предложениятнень, конатнень тиендсазь комсомолецне. Аф сатомшка занимадондакшнихть производстваса порядкань и чистотань тиемать мархта. Эряви шумихафтома, по-деловому, кярмодемс трудонь производительность кеподеманцы, комсомолецнень квалификациясон касфтомасонды. Нят ашихть инь ответственный задачас предприятиянь, транспортонь, колхозонь и МТС-нь эрь комсомольский организациати. Сят комсомолецненьди пашкодевихть ня задачатне, конат оцю настойчивостьса, инициативнайста, сембе вийнь максозь работайхть минь родинаньконь сядо товодонь процветаниянц инкса.

Пинге ви шарьхкодемс, што народнай добратъ ванфтоманц-эрь комсомолецъ почётнай долгонь родинать инголе.

АГИТАЦИОННАЯ РАБОТАСЪ ПАКСЯСА

«Красное знамя» колхозонь комсомолецне паксянь работаса няфнихть трудонь цебяръ примерхт. Комсомолецне-плугарьхне: Алякин С. Ф., Алякин Е. С., Резаев и Пьянзин ялгатне сокамста выработкань нормасон пашкотъкшнесазь вельф.

Комсомолец, изба-читаль-

нянь заведующайе Чалдаев ялгасъ, штоба цебяръста ладямс колхозникнень культбслуживаниясон, велеста сембе агитаторхнень ётафтозень паксяв, конат тоса колхозникненьди аккуратна тиендихть беседат и лувондихть газетат.

Д. Алякин, И. Алякин, С. Шайговань р-н.

„Колумбия“ пароходть кирдеманц каршес Советский Правительствать протестонц

Тя кизонь майть 7-це шистонза Сан-Францискока США-нь Государственной департаментъ распоряжениянц коряс ульсь киртьф понань и кедень грузь, конатнень Советский Союзъ рамазень Аргентинаста и Уругвайста и конат марафтольхть СССР-в усоме «Колумбия» шведский пароходти, конань сиводезе амторгс.

СССР-ть США-са Чрезвычайнай и Полномочнай Посолоц Уманский ялгасъ 14-це майста ульсь США-нь Государственной Секретартъ Хэлл г-нть ширеса и максьс тейнза Советский Правительствать лемста протестонь нота советский груз мархта «Колумбия» пароходть кирдеманц каршес.

(ТАСС).



Всесоюзная сельхозвыставка панжеманцы анокламась

СНИМКАСА: „Поволжье“ павильонть Мордовский АССР-нь залсонза. Е. И. Голяевась—Мордовский АССР-нь Наркомземъ агрономц (кержи ширеса) знакомадасы В. М. Попков экскурсоводъ Пушкинский МТС-нь комбайнеръ 1941-це кизоня выставкань участникъ А. И. Горинть стэндонц мархта. Горин ялгасъ „Коммунар“ комбайнаса колма кизоста урядась урожай 945,3 гектар лангста и ванфтьс 5879 килограмма горючай.

Фотосъ Н. Алексеевъ. (Фотохроникась ТАСС-ть).

Видемать аделасазь инь нюрхкяня пингста

Цебяръста организоваданмок трудовой дисциплина, «Валдаки» колхозъ омбоце бригадан шуморсыне зерновой культурань видеманзон. Сон видесь 67 гектар, лядонды видемс 9 гектархт. Тяда меле сон ушеды бобовой культурань видема.

Бригадаты сокайиза и видеенза сивсть обязательства, штоба майть 16-це шинцы шумордамс видемать и ушедомс паривань сокама.

Паксянь работаса няфнихть пример ляды колхозникнень: Снопов Иванъ, Жаткин Дмитрийсь, Общев Гришасъ, конат эрь шиня нормасон пашкотъкшнесазь 150 проценте.

Работамста оцю производительность няфнихть омбоце бригадан аватне-комсомолкатне: Бабинась, Общевась, Меженевась, Барановась и лияне. Синь нормасон пашкотъкшнесазь 200 проценте.

Вас. Общев.

З. Полянский район.

ОЦО УРОЖАЙ

Инсарский райононь Желябовъ лемса совхозъ овощеводческий звенац знатнай звеньевойц, комсомолкась Голубина ялгасъ, тя кизоня получай овощень оцю урожай. Сон эсь звенань членонзон мархта тейст кемокстаф участкаты лангс эсь пингстонза уексть местнай удобрения, анокласть минеральной удобрения. Тяфта жа эсь пингстонза и цебяръ качества сакаф и инзаф модаске. Тяни звенать участкан капстанъ, куяронь пшумати аноклаф полнайста.

Голубкина ялгасъ эсь участканц пшуме касфты сатомшка рассадат, конатнень мелье звенань четтне якайхть пяк заботливаста.

Юнкин.

КУДАШКИНТЬ ЗВЕНАЦ

С. Т. Кудашкинть звенац 1940 кизоня сатсь оцю урожай. Тя урожайть сатоманцы путф лама вийда. Звенасъ сембе плошаденц удобряндазе минеральной удобренияса, соказе ловалу, видемать ётафтозе нюрхкяня пингста и цебяръ качества, видефенди тиендсь подкормка. Тянь вельде сонь звенац получасъ урожай эрь гектарты лангста тозерса 21,5 центнер, пинемса 26,7 центнер.

Кудашкинть звенац ня сатфксенъ лангс аф лоткеси. Об-

сужданомок колхозникнень дополнительной павдомать колга ВКП(б)-нь ЦК-ть и СССР-нь СНК-ть мартъ 13-це шинь постановлениясон, сонь звенацонза работай колхозникне кармасть работаса сядо оцю малъса.

Тяниень пингтъ звенасъ аделакшнесыне сакаманц и видеманц. Колхозникне выработкань нормасон пашфнесазь 150 проценте.

Кудашкин.

Краснослободский район, Тустатова веле.

ЮНКОРХНЕ СЪОРМАДЫХТЬ

М. Козловка велеса (Атюрьевский район) мекольденъ пингтъ лисенди 4 стенгазетат: «Ленинец», «Связист», «Искра» и «Стахановец». И эряви азоме, што ня сембе газетатне лисендихть пяк аккуратна. Газетатненьди сёрмадыхть кемотъ колхозник, колхозница, интеллигент, ученик, конат полафнихть работань, тонафнемань опыта, лездыхть тя или тона общественной организациаты работаса улике аф сатыкнень машфтомасонды.

Мекольденъ пингтъ «Стахановец» газетасъ кармасть лисендема паксянь станца, конань работац тяни арасъ нинге сядонга интереснайкс, нинге сядонга содержательнайкс. Сон колхозникнень мобилизовандакшнесыне тундань видемать цебяръ качества и нюрхкяня пингста ётафтоманцы.

Голосникий.

Аф кальдяв стенной газета поляхть Сире-Синдровский райононь Мокша Мазканя велень аф полнай средний школань ученикне. Общешкольной стенгазетаты эса пяк

лац няфневихть коммунистический воспитанияса школатъ сатфксонза. Сонь эсонза тяфта жа сидеста печатлакшневихть ученикнень стихотворениясна, рассказана, няфневи тонафнемань опытна.

Тяни стенгазетасъ яркайста няфнесы школатъ испытаниятненьди аноклинц и аф сатыксонзон. Тя тевса газетасъ пяк лезды тонафнемаса отстаюпай ученикненьди. Школань ученикне и ученипатне эсь газетасон лувондсазь пяк оцю интереса.

Д. Миряшкин.

Но сави азоме, што Од Виселка велень средний школаса стенной газетасъ ащи аф почетса. Тяса «Комсомолец» газетасъ (редакторсь 10-це классонь учениксь Малкинъ) лисенди пяк шуроста. 1940—41 тонафнема кизоня нолафтольхть аныпек 5 № и сятка безграмотнайхть.

Тя лисенди аныпек сяс, мес газетати комсомольский организациасы пяк кржа шарфни мяльда.

Г. Лобурев.

ИСПЫТАНИЯТНЕНДИ АНОКЛАМАСЬ

Саранскийн 9-це № школась испытаниянь

карша

ШКОЛАСЬ АНОК ИСПЫТАНИЯТНЕНДИ

Тундань васенце ковсь. Педагогический коллективсь пуромсь совещаниясь. Тяся синь корхтась сянь колга, кода сяда цебарьста анокламь испытаниятнени. Кизефксь серьезнай. Тщательнайста проработали инструкциат. Омбоце шинякиге Базаева, Емяшева, Талышкина, Пешонова учительницатне азондозь эсь классонь учащайсонды педколлективть решениянь.

Курокста третьфоль родительский собрания, коса кизефксь ульсь тякось жа. Оцю мялса школьникнень родительсна кулхондсть школань директорть Маланин ялгать докладонц эса. Тейст пик интереса ульсь содамс, кода тонафнихть синь идьсна, а тяфта жа арьсесть учительхненди лезксонь максомать колга испытаниятнени анокламань пингста. Эрь родительсь ёразень азондомс эсь мялензон.

Тя собраниясь рузонь кялень учительницась азондозе, што тя дисциплинаць коряс колмоце четвертьста сатф 96 процентнай успеваемость. Апрельть 21-це шистонза педсоветаниясь ульсь кулхондфт кой-кона преподавательхнендь отчетна испытаниятнени анокламань колга. Тя пингти кой-кона учительхне аделакшнесь программнай материалть тонафнеманц и мольфтьст ни повторения. Сяс и тежда ульсь полафтомс повторениянь опыть

мархта. Синяев ялгась азондозе, кода моли сонь дисциплинанц коряс материалть повторения. Учителхне кулхондсть оцю интереса.

Мартть 20-це шистонза учащайхненди ульсь содаф испытаниянь расписаниясь. Расписаниясь ульсь сёрматфт классне, ассистенттнень фамилиясна. А майть ветеце шинцты школань дирекциясь кемокстазень контрольный работанди тексттнень. Учебнай частень заведующайсь тись расписания испытаниятнень пингста преподавательхнендь дежурстваснон колга.

Пяк увлекательнайста ётафтозе повторениянь естественаниянь преподавательнипась Новикова ялгась. Класа, коса мольфтьсць повторениясь, улихть нагляднай пособиат: гербарият, картинкат и вырезкат. Нагляднай пособиась пользовандамась лездсь учащайхненди сяда крхкаста повторить материалть, кона ульсь ётаф тонафнема кизоста. Сов колмоце четвертьста сатс 99,5 процентнай успеваемость.

Аф калдыаста анокласть испытаниятнени мокшень 5-це классь. Ветеце класса успеваемость колмоце четвертьста ульсь 100 процентнай. А тани 5-це классонь учащайхне сявсть обязательства, што синь тонафнема кизоть аделасазь отличнайста и цебарьста.

Надин.

ПОВТОРЕНИЯСЬ

Испытаниятнени анокламань мольфтьсць и таниенге мольфтьсаськ планц коре. Пингть использовандакшнесаськ стане, штоба майть 20-це шинцты аделамс сембе дисциплинатнень коряс материалть повторениянь. Особенна лама сашендови рузонь и родной кялса дисциплинатнень коряс повторять материалть. Тяся теоретический содамашида башка эрви тиендемс упражнениат. Тяфта аныкьк можна успешнайста максоме испытаниятнень.

Географиясь и историясь занимадама ляткшнетяма

школав. Тяся можна пользовандам нагляднай пособиася. Тяда башка, пуромкшнетяма ветенъ или жа котонъ. Кажнайсь минь эздонк башка темас коре тиенди доклад. Арифметикась решили сяда ламоне решандакшнемс условнай задачат.

Мзярда васьфневихть стака задачат, эста консультациатнень эса кизефнесаськ учительхнендь.

Саранск ошнь 9-це № школань 4-це классонь ученикне: Стенькин Костясь, Деркаев Ваниясь, Кабаева Дусясь, Буякина Дусясь.

Од тонафнема кизоти анокламась

РСФСР-нь Наркомпроссь приамась решения 1941—42 тонафнема кизоти анокламань колга.

Республикаса, сембодонга пик велетнень эса, строявихть сядот од школа. Августь 15-це шинцты синь должетт улемс анокок. Тяка жа пингти эрви аделамс школьной зданиань ремонтть, анокламь тейст эрвикс оборудования.

Июньста сембе крайхнендь, областтнень и автономнай республикатнень эзга ётафтовихть народнай образованиянь оргаттнень активсон совещаниясна. Синь обсуждат 1940—41-це тонафнема кизоть итогонзон и од тонафнема кизоти анокламань кизефкнень. Нят совещаниятнени панжевихть выставкат, конат

няфнесазь лучшей педагогкнень работань опытнон. Июльста арьсевич тердемс всероссийский научно-педагогический конференция.

Тяденъ кизоть арьсевичи поддамс 52,4 миллион экземпляр учебник, тяка лувкса сентябрьть 1-це шинцты Мордовский, Марийский, Якутский АССР-нь аф рузонь школатнени поддави 103 учебник, конатнень тиражсна 480 тежянь экземпляр.

Оцю мяль шарфневи учебно-нагляднай пособиатнень шири. Сентябрьть васенце шинцты республикань школатне получайхть аф 1.200-да кржа узкоплечной киноаппарат, 29 кинофильма и стак тов.



СНИМКАСА: Рузавский железнодорожной училищань преподавательсь С. Горшковсь вати занятият паровознай тесть тонафнеманц коряс.

Фотось-Касперть.

ШКОЛАТЬ ОТЛИЧНИКОНЗА

Оцю показателсь аделазе тонафнема кизоть колмоце четвертень Од Лепью велень начальнай школсь. Школать лама отличниконза и ударниконза.

Колмоце четверть аделазе аныкьк отличнай отметка мархта васенце класса—Романова Просась, Купряшкина Марьясь, Алашинов Ваниясь, омбоце класса—Башаев Васясь, Таштаева Алюсь, колмоце класса—Шичкин Мишась, Алашинов Мишась и нилеце класса Купряшкина Аннась, Жаткин Колясь и Трошкинась.

4-це классь тяде васенцеда кармай кирдема проверочнай испытаният. Ня шитнень оцю мялса учсась ученикне. Сембодя цебарьста аноклайхть испытаниятнени Купряшкинась, Жаткинц и Трошкинась, конат пцтай марнек повторядазь ётаф материалть и тяда башка лездыхть тонафнемста ляды ученикнени.

Тонафнема кизоть нилеце четвертень цебарь и отличнай отметка мархта аделаманкса тюрхить начальнай школань сембе классне. Дорожкин.

Рыбинский район.

Максикхть лезкс ялгаснонды

Лама ученик Сире Шайговань средней школыа цебарьста аноклафста васьфтьсазь тундань проверочнай и выпускной испытаниятнень. Синь повторядазь сембе дисциплинатнень коряс ётаф материалть и путвихть лама вий, штоба испытаниятнень максоме аныкьк цебарьста и отличнайста.

Тяфтама ученикокс лувондовихть 10-це класса Богреевсь и Пьязинц, конат тонафнемстонга фалу ульсь примернайхть, дисциплинированнайхть. Повторяндамок ётаф материалть, синь тяда башка испытаниятнени анокламаса лездыхть ялгаснонды, штоба синге сатолхть цебарь показателхть.

С. Алямкин.
Дм. Алямкин.

Работаньке няфтьсине результатонзон

Тяденъ тонафнема кизоть школатнень эзга проверочнай и выпускной испытаниятне ушедьт майть 20-це шистонза. Советский школьникне оцю мялса мольфтихть таниень пингть анокламань работа.

Ковылкинский районь Троицкий средняя школань педколлективсь сянь инкса, штоба васьфтемс испытаниятнень достойнайста, тяфта жа вишкста тейст аноклай. Педсоветаниясь ульсь обсудиндафть кизефксь. Учителхне азондозь эсь мялсьсон, кода сяда лац ладямс анокламань работать. Тяда меле анокласть билетт, диктантт, конат максффт школань дирекцияти кемокстамс. Таниень пингть пцтай сембе класснень эзга повторяется программнай материалсь, конат ётаф тонафнема кизоть пингста. Особенна цебарьста моли повторениясь физикать коряс (преподавательсь И. П. Золомкин ялгась), географиясь (преподавательсь Ф. Н. Родькинц), химиясь (преподавательсь Соловьевсь). Учащайхне, кода и тонафнема кизонь перф, а тяфта и повторениясь, няфнесазь программнай материалть крхкаста содаманц орденоноскатъ Федякина ялгать дисциплинанц коряс.

Школань директорсь М. П. Новиковсь знакомдазень ученикнень, кодама дисциплинаса кармайхть улема испытаният. Аноклаф расписания, кона ма-

ластонь пингть ули повфтаф стенати.

Особеннай мяль шарфневи старшей класснень шири. 9-це и 10-це класснень эса математикань преподавательсь Чарышкин ялгась ушедьт повторять материалть мартть 15-це шистонза савомок. Тяда башка кой-кона преподавательхне ётафнихть внеурочнай повтореният, организовандакшневихть консультациат. 9-це класса апрельть 30-це шистонза ётаффт консультация, коса примась участия 50 ученик. Тя консультациась максь оцю лезкс материалть тонадомаса.

Успешнайста испытаниятнень ётафтомаснон инкса учащайхне и педколлективсь сувасть социалистический соревнованиясь. 9-це «А» классонь ученикне соревновандайхть 9 «Б» классонь ученикнень мархта.

Аф кржа ученик кярьмодсть лангозест сявф обязательстваснон пашкодмаснонды. Голованова, Макушева, М. Логинов, Корнеева ученикне тонафнема кизоть колмоце четвертензон аделазь аныкьк отличнайста и цебарьста тонафнезь. Аф калдыаста тонафнихть кафксонце классонь ученикне. Тяся аф кржа ученикта, конат сатсць колмоце четвертьста аф калдыав сатфкст. Тяда башка, сембе синь вятсць и вятихть оцю общественной работа.

Логинов.

Испытаниятнень йотафтсаськ отличнайста

М. Ювня велень аф полной средней школань сембе ученикне и преподавательхне проверочнай и выпускной испытаниятнень отличнайста ётафтомаснонды аноклазь сембе условиятнень.

Сембе дисциплинатнень коряс преподавательхне сёрмадсть билетт, конат кунаркиге ни кемокстафт школань директорть мархта. Ученикне повторяют ётаф материалть, кой-конат повторениять отличнайста максомаснон инкса эсь ётковаст келиста развернули социалистический соревнованиять. 7-це

классь примеронц поддержали школань сембе учащайхне.

Т. Шичкин.

Торбеевский район.

Тонафнема кизоть колмоце четвертень эзда тонафнема оцю успех сатсць Порапа велень аф полной средней школань 5-це классонь ученикне—Богомоллов Ваниясь, Голованов Ваниясь и Канайкин Федясь. Тани ня ученикне анокт цебарьста испытаниятнени.

Н. Канайкин.

ОСОАВИАХИМСКИЙ ОРГАНИЗАЦИЯТЬ РАБОТАЦ

Воспитандакшнемс од ломат-твенди дисциплинированность, порученнай тевть инкса ответственность чувства — Осоавиахимский организациять почетнай тевоп. Сон призваннай анокламе мирнай пингста минь Якстерь Армиянкони и Военно-Морской Флотоньконди аф анычек физически аноклаф, но и дисциплинированной пополниения.

Тянь инкса оцю работа мольфти Пурдошанский райононь «Путь Ленина» колхозса первичнай Осоавиахимский организациясь (председательсь Горычев ялгась). Таса анычек 1941-це кизоня Осоавиахимонь членке примаф 20 колхознай од ломань, а сембоп членда лувондови организацияса 141 ломань. Собраниятне этафневихть строгайста планц коре, ковти весть.

Члетне пяк аккуратнайста паннесазь эсь взносон. Тяде башка мольфтевихть занятия од ломаттвень мархта, конат тяденъ кизотъ улихть приз-

ваннайхть Якстерь Армиянь службама. Синь мархтост этафневи Осоавиахимонь ЦС-ть 115 часовой программанц коряс военной обучения. Работайхть стрелковой кафта учебнай командат, конатненъ эса занимадай 90 ломань. Апрельковть васень шинзон эзда ушетфт занятиятне самозащитанъ группаса.

Организациянь члеттвенъ ламоснон улихть обороннай значоксна. Но тянь лангс синь аф лотксихть. Тяниень пингть работай I ступень ПВХО значокс норматненъ максомаса кружок, коса тонафни 17 ломань, ГСО-нь кружокса тонафни 20 ломань. Кружокненъ эса танафни ялгатне маластонъ пингть максасъ обороннай значокненди норматненъ.

Аф кальдявста ладяф организацияса военнай пропаганда, тиендевихть великай русский полководецненъ колга беседат.

М. Костин.

Улихть значкистокс

Жуковский сельсоветонъ «Серп и молот» колхозонъ первичнай Осоавиахимский организациясь мольфти деятельнай работа военной воспитаниять коряс.

Осоавиахимский организациять инициативанц вельде пуроптф I ступень Ворошиловский стрелоконъ колма группат, II ступень ВС — фкия группат. Таса сембе пингть мольф-

теви оцю работа значкистонъ анокламать коряс. Тянди результатокс ащи ся, што Осоавиахимонь члеттвенъ эзда нолдаф ВС-нь 14 значкист.

Комсомольский организациясь пяк лезды обороннай работатъ пецбарьгофтоманцы. Синь комсомолцене ащихть Осоавиахимонь членке.

Матвеев.

Торбеевский район.

Спасибо Сталинт оцю заботанкса

Шишкаева Ольга Максимовна колхозницатъ кафкса иденза. Тейнза государствасъ панды итненъ касфтомс пособия 4000 палковой кизоти. Сонъ сембе иденза шумбрат.

Савелийсь и Васясь работайхть трактористокс Ковылкинский МТС-са, Федясь и Раясь тонафнихть школаса.

Сире эряфхть колга Шишкаевасъ лятфни: «эста лама идь мархта ломанти ашель эряф, итне якасть сязентьфста,

ашестъ тонафне школаса, анычек тани советский властесъ и лична Сталин ялгасъ заботендайтъ иттенъ колга, синь максосъ сембе условиятненъ, штоба касфтомс шумбра, образованнай ломатть.

Оцю спасибо Сталин ялгати, тейне павазу эряфонъ максоманкса».

Сергин.

Ковылкинский район, Порапа веле.

Партконференцияда меле

Всесоюзный XVIII-це партийнай конференциять решениянзон пашкодемаснон инкса тюремасъ тиезень комсомольский организациятненъ работаснон сяда содержательнайкс, сяда живайкс. Комсомолценень инголи путфт од задачат, конатненъ мархта синь сатомшка ашестъ занимадондакшне.

Котониннай фабрикань комсомольский организациясь максесъ оцю лезкс партийнай организацияти рабочайхненъ сознанияс конференциять решениянзон пашкодемаса. ВЛКСМ-нь комитетъ кярьмодес трудонъ производительность касфтомаса кизефкеть разрешандаманцы. Ковти кафкеть комсомольский организациять инициативанц вельде этафневихть производственной совещаният, коса примосихть участия фабриканъ стахановцене и специалистне. Март ковста тяттама совещанияса комсомолонъ комитетъ секретарец Воробейкин ялгасъ тиендс доклад

экономиять и инструменттненъ ванфтомаснон колга.

Таса ульст афт аф сатыксне. Совещанияда меле ульс пуроптф стахановцеонъ краткосрочнай школа. Тя школасъ лама лездс стахановский методонъ сувафтомаса. Школатъ аделазъ 13 ломань, конат кармастъ работанъ эсь опытнон передаватъ лия рабочайхнендиге.

Комсомолцене ащихть тяниень пингть инъ цебарь производственникос. ВЛКСМ-нь комитетъ секретарец Воробейкин ялгати картоннай цехонъ предмайский соревнованай пингста апрельский плантъ пашкодезе 213,4 проценте.

Комсомольский организациять лезксонц вельде фабрикась 1941-це кизонъ васенце кварталонъ государственнай заданиянц пашкодезе 108 проценте. Тя сатф социалистический соревнованайт вишконтеманц и стахановский движениятъ келептеманц вельде. Эр ковни



Майть 10-це шистонза писателень клубса (Моску) панжевсь Армянский литературанъ декадасъ

СНИМКАСА: Поэтсь орденоносецъ В. И. Лебедев-Кумач корхни декаданъ участникненъ мархта. Кержи ширде види шири: Поэтсь А. Исаакян, писательсь С. Зорян, В. И. Лебедев-Кумач и писательсь Арази.

(Фотосъ В. Малышевть).

Цебарь ушеткс

Первичнай комсомольский организациянь секретарьхненди и районнай активти Рыбинский ВЛКСМ-нь райкомс пуроптс 4 ковоны пингс курст.

Курсненъ программозот сувсихть: «ВЛКСМ-нь историятъ краткай курсонъ», марксизманъ-ленинизмъ первоисточникне, комсомолтъ практический работа колхознай эряфса и военно-физкультурнай работасъ.

Курсненъ эса тонафнихть комсомольский организациянь 12 секретарь, комсомолонъ райкомонъ пленумонъ 14 член и райцентраста 14 комсомолец. ВЛКСМ-ть историянц преподаваниянц вятссы Рыбинский средняй школанъ историкс П. И. Мельчихин.

Занятиятне ушетдъ майть 5-це шистонза.

С. Метляков.

Комсомолцене аф тонафнихть

Глушка велень «Ленинонь киге» колхозтъ первичнай комсомольский организациясонза лувондови 9 ломатъ. Но кда ваноме, кода работайхть синь, то лисенди, што анычек каннихть ВЛКСМ-нь членонъ звания, а тевса мезевон аф тиендихть.

Аф арьсемок ни колхозникненъ ётка агитмассовой работатъ вятеманц колга, синь

синь ёфси аф касфнесазъ политический уровеньон: аф тонафнесазъ «ВЛКСМ-ть Краткай курсонъ», и 90-да лама процентс аф получай кодамовок газета. Кода аф странна, што сонъ комсомольский организациятъ секретарец аф получай кодамовок газета.

М. А. Синякин.

Кадошкинский район.

МЗЯРДА УЛИ ЛАДЯФ РАБОТАСЪ?

Колмопе ковс кода аф этафневи собрания Сире Пиченьгуж велень комсомольский организацияса.

Комсомолцененди порученият аф максевихть, мархтост кодамовок воспитательнай работа аф вятеве.

Колхозникненъ ётка комсо-

мольский организациясь ёфси аф этафни агитмассовой работа, вестенге ашезъ путне кизефкс тянь колга, аф занимадондакшни колхознай производстванъ кизефксненъ мархта.

А. Кирдяшкин.

Ельниковский район.

Райцентрять благоустройстванц инкса

Инсараса комсомолцене этафнихть оцю работа райцентрять благоустройстванц коряс. Ульцятнеиди тистъ эрявикс порядок, моли шуфтонянь озафнема и стак тов.

Тя почетнай тевть эса оцю вастса занци педучилищанъ комсомольский организациясь. Комсомолцене тистъ порядок школати, урядазъ мусорть общежитиятъ и школьной пирьфть эзда.

Школьной участкась явф и кемокстаф классненъ мельге. Ученикне сонъ шувондозъ и озафнестъ плодовой шуфтонят: марлюнат, ивезихть, шукштуруфт и лият. Школатъ дирекция школьной садтъ кучкас тифтс Энгельсонди памятник.

Трудящайхненъ культурнай обслуживанияснон инкса, райцентрав тяде панчф А. М. Горькийнъ лемса парк, конанъ благоустройстваса участия примасть педучилищанъ комсомолцене. Синь озафнестъ лама од шуфтоня, тистъ эрявикс порядок. 1940 кизоня нинге райцентранъ комсомолценень инициативаснон вельде паркти тиф В. И. Ленинти памятник.

Педучилищанъ ученикне парктъ панжема шинц, кона ульс майть 16-це шистонза, васьфтезъ выступленияс: выступандасть мокшенъ и рузонъ хорхне.

Зобнин.

ОЗАФНЕСТЬ 200 ШУФТОНЯ

Примамок Ромодановский райононъ Михайловка велень комсомолценень озеленениятъ колга инициативаснон, Глушковский средняй школанъ комсомольский организациясь озафнесъ школатъ перьф 200 плодовой шуфтоня.

Шуфтонянтненъ мельге ладяф цебарь уход, ванфневихть жувататненъ эзда. Саднятъ территорияц перяф.

В. Лобанов.

Кадошкинский район.

Садтъ эса азорондайтъ жувататне

Мекольденъ пингть республиканъ колхозне и колхозникне садонъ водендамат шарфнихть пякою мяль; синь тистъ образцовай порядка уликс саттвенди и энергичнайста работайхть од садонъ водендама тевса.

Но нинге улихть аф кржа ломатъ и нльне башка учреждениеанъ руководителхть, конат тя оцю важностень тевть лангеваныхть равнодушнайста.

Тяфта Од Биселка велень средняй школатъ садонъ сяшкава запущеннай, марьгат бтасон хозяинфтома. Садса эрьшина якайхть разнай жуватат, конат порендихть марлюфненъ судсон, шувондыхть корянынон, синнихть тарадснон.

Хозяйственной ломанц тяттама положениятъ мархта коданга афоль миренда. Но школанъ дирекциясь сонъ лангезонза ваны казеннайста и арьси «кода ба сяда лама марьполучамс, а марлюфненъ вастновон тятта».

Н. Учаев.

Зубово-Полянский район.

Саранск ош.

МЕЗЕ МАКССЬ ТОНАФНЕМАСЬ

Йотасть кота кофт, кода панчф Рузаевский железнодорожный училищася. Тоса тонафнихть машинистонь помощниконь, путейцень, слесарень, токарень специальность.

И кда арьсемс, можна ли тонадомс мезьска тя нюрх-кяня пингста, то пожайай аф важнайсь верондай. Но кда варжакеттама сядя крхкаста тевти, то ня арьсеманьконь ка-лафтсазь оцю содамашись, упор-най работась, мастерствась. Училищаса лама отличника кода теорияс, а стане жа практи-кас коре. Комсомолецне ашихть примеркс сембе тонаф-нихненди.

Вов учениксь Дермичев ком-сомолецсь. Мзярда ащи ста-жокть ваксса и тии деталь па-ровозонди или вагононди, то мзрягат тя сире рабочий, конац лама киза ни работай слесарькс. Рабочай вастоц чистай, деталенза тифт чертеть коряс стане, мзрягат тифт ав-томат станокса. Сон тись лама деталь: гайкат, ключт, молот-кат и лия сядя оцю детальхть. Тяфтама примерда можна ся-вомс пйак лама.

Но нинге аф тьянь эса мож-на няфтемс ученикнень мастер-ствасна. Синь, получамок на-выкт слесарнай и токарнай тевса, содамок цебарьста па-ровозть палкзонзон и устрой-стванц, синць, ученикне, тисть паровоз. Тя паровозсь аф от-личандай обычный паровозть эзда мезьсовок, кда аф лувомс ветексть сядя ёмла размеронц. Сон стане жа арды тийняня релец ланга, кода и оцюсь.

Школаса тонафнихть маши-нистонь помощникосе кафта стирянт: Макарова и Кшова. Теоретический занятияс синь отметкасна анычек отличнайхть и цебарьхть. А сяс мес маши-нистти и машинистонь помощ-ники эряви содамс слесарнай тевть, синь тя тевть коряс прак-тический занятияс няфнихть пример и лия ученикненди.

Оцю сатфкт сатсть и путейнай отделенияс учени-кне. Синь стане жа тонадозь машинакин тиемань навик-нень. Тонафнемасонды резуль-татокс ащи ся, што синь тисть тийняня машинаки, конань э-га может модемс паровозсь. Тянь тиезь машинистонь по-мощниконь отделенияс учени-кне.

С. Самошкин.

РАБОТАСНОН СОТНЕСАЗЬ ТОНАФНЕМАТЬ МАРХТА

Консервной комбинатонь комсомолецне, тюремк трудонь производительность касфто-манц инкса, аф кальдявста ра-ботайхть революционной теор-иять тонафнеманц лангса. Комсомолецненди, конат обще-образовательнай ёмла содамашиснон сунедя аф тонаф-невихть самостоятельна, орга-низовандаф политграмотань кружок.

Комсьфкие рабочий и ра-ботница ашихть слушательск-ти кружокса, аккуратнайста аноклакшихть занятиянненди. Слушательхнень ёткас улихть лама стахановец, конат аф анычек трудса, но тонафнема-совок няфнихть образцовай дисциплинированность пример. Комсь комсомолец само-стоятельна тонафнесы марксизмань-ленинизмань сок-ровищница — «ВКП(б)»-нь исто-рия кртакый курсонц.

Оцю лезкс максси ня ялгат-ненди комсомольский организа-циясь. Тянкас тиендевихть

этаф материалть коряс теоретический конференция. Смыль-никова и Копылов комсомолец-не, аделамок ВКП(б)»-нь исто-рия тонафнеманц, кярмодсть марксизмань-ленинизмань клас-сикнень трудонь тонафнемас-нонды.

Недзялти кафксть этафне-вихть цехнень эзга беседат. Беседань этафнема ВЛКСМ-нь комитетсь кемокстазень поли-тически аноклаф комсомолец-нень, конат способнайхть кан-нем большевистский вальт ра-бочайхть массатненди. Эрсихть газетань коллективнай лувон-домат.

Комсомольский организаци-ясь мольтсь оцю работа ра-бочайхненди ВКП(б)»-нь XVIII-це Всесоюзнай конферен-циять решениянзон азондо-маса. Тяниень пингть пцтай эрь рабочайсь содасыне, кода-ма задачат путсь советский народть инголи тя конферен-циясь.

Лавров.

Родительхнень ёткас аф работайхть

Школьникть коммунистичес-кий духса воспитандама, сонь эздонза коммунизмань строите-лень тиемась — тя пйак почетнай, но и пйак труднай, ответствен-най тев эрь школати.

Итнень воспитаниясост, фор-мированиясост оцю роль кирди аф анычек школась, но и синь родительсненок. Коса кальдя-вста ащи школать связец школь-никнень родительсненок мар-хта, тоса эрий ламода ёмла успеваемость. Вов тя ответс-веннай тевть юкнесы Мокшенъ Мазканя велень аф полнай средний школась. Тяса учи-тельхне аф кирдихть кодамовок связь школьникнень родите-льсненок мархта. Вов, кода омбоце кизось ни вестеньге ашезь этаф-нев итнень родительсненок мар-

хта собрания, коса можналь беседовандам синь мархтост идьсненок воспитандамасненок кол-га.

Тяфтама положениясь сунед-да школаса лама кальдявста тонафнида. Вов Кудашкин Ми-хаил Алексеевич кафцке иденза тонафнихть кальдявста, а Аннась колмопе кизось ащи фия класса. Учителхне вдре азф итнень родительсненок мар-хта аф кирдихть кодамовок связь, штоба содамс, мес каль-дявста тонафнихть, мезе тиянди шорай.

Вов тьянь мархта и азондови Мокша Мазканя велень школать ёмла успеваемость.

А. Кудашкин.

С.-Синдровский р-н.

ЗАДАНИЯТЬ ПЯШКОДЕЗЬ

Тядде Морд. Козловкань средний школань комсомоль-ский организациянь комсомо-лецнень ламоснонды ульсть кемокстафт тонафнемс аф гра-мотнай и малограмотнай ло-матть.

Работамок добросовестнайста, комсомолкатне — ученикатне: Бузьминова Настасья, Волкова

Нюрась, М. Вельмова, Вельмо-ва Евдокиясь и лиятне тисть аф грамотнайхнень и малогра-мотнайхнень эзда 100 про-центнай выпуск.

Аф кальдявста аф грамот-найхнень и малограмотнайх-нень тонафнемаса работасть комсомолецне — культармеецне: В. Е. Федоровсь, Ф. Е. Вол-ковсь, И. И. Кичаевсь и ли-ятне.

Евг. Голосникий.

Атюрьевский район.

КУЛЬТУРНАЙ ЗАПРОСНЕ АФ ПЯШКОТЪКШНЕВИХТЬ

Велеса шиста-шис касы кол-хозникнень запроссна культу-рати, но тя требованияхнень аф пйашкотъкшнесыне «Свет-лый путь» колхозть краснай уголокоц, коса заведующайкс лувондови Г. С. Клоковсь.

Краснай уголокть поме-щенияц ащи антисани-тарнай состоянияс, поме-щенияхть перьфке ащи мусор, киякссь и стенатне рдазуфт, вальмятне колсефт.

Аф ваномок слянь лангс, што тьяса ули комсомольский орга-низация, тяфтама состоянияс краснай уголоксь лядонды тя-чиень шити сзмс.

И. Клоков.

С.-Синдровский район.

ЕВРОПАСА, АФРИКАСА И АЗИЯСА ВОЙНАСЬ (15-це майста военной действиянень дневниксна)

14-це майста шить и 15-це майн карша веть германский самолеттне атаковандазь Анг-лиять разнай военной объек-тонзон. Стаки мольтсь опера-циятне моряса. Германский сводкать эса корхтати слянь колга, што германский подвод-ный лодкась вайфтьс англий-ский вспомогательнай крейсер, конань водоизмещенияц 20 те-жиянь тонна. Германский само-леттне вайфтьс колма англий-ский торговый парохотт.

14-це майста английский истре-бительхне тисть налет Ос-тендть аэродромонц лангс (Бельгия). Английский истре-бительнень омбоце соединениясь бреюжай полетса ляендсь Бельгияса германский берего-вой батареятнень лангс.

* * *

Английский командованиять сообщениян коряс, Северной Африкаса германский частьне, конат пашнесть ни восток шири Соллутъ эзда, тага по-тасть меки саяка позициясн-ды. Кода азондсы Рейтер агент-ствась, Соллутъ района фронтть линияц кувалгодсь 80 километрань кувалмоса, конат-нень эзда 60-да лама километ-рась ётай египетский террито-рия эзга. Агентствась корх-тай, што Западной Африкаса марнек военной операциятне молихть ингольцекс кода бта волнакс. Отступленияда меле, конань ушедозь германский войскатне, 12-це майста ини-циативась тага ётась англи-чаттнень кядьс. Синь инголи полдазь эсь механизированнай патрульсненок Соллутъ района и кармасть тревожамоств гер-мано-итальянский частьтнень, конат ашихть Тобрукть перьф. Абиссинияса бойхне стаки молихть Амба-Алагать пандонь районзонза (север шири Аддис-

Абебать эзда). Итальянский сводкать эса корхтати, што-тя районть эса английский войскатне лопштамать вийаф-несазь. Английский частьтне стаки молихть инголи абиссин-ский фронтть лия участканзон эсонга.

«Тан» французский газетась сёрмады, што Абиссинияса итальянский войскатнень так-тикасна тияни ащи слянь эса, штоба, использовандамок стра-нать оцю пространстванзон, кемокстама сядя лама пунктса и тиемс вию сопротивления ан-личаттненди. Главнай итальян-ский вийхне ашихть Амхарать областсь (Севернай Абисси-ния). Тя оцю районь араф-север ширеста пцтай аф са-томшка пандса, конатнень се-ресна вастова пачкотышши Альпатынь серес. Газетать кядьса уликс сведенияхнень коряс, английский командова-ниясь получаць задания куро-кона аделамс операциятнень Абиссинияса, штоба курокона этафтомс свободнайготф вой-скатнень Египетть аралама.

* * *

Иракса, корхтати англий-ский командованиять сообще-ниясонза, спокойна. Иракский военнай министерствась сооб-щениясонза корхтати, што иракский сухопутнай войска-тне ушедозь вию действиях странать западнай пустынный частьсонза англичаттнень по-зициясненок каршес. Иракский авиациясь лиедсь разведкас английский базатнень велькс. Англичаттнень самолетсна эвон-дакшнесть Багдадть велькс и ёрдасть 4 бомбат. Английский лия вете самолеттне ёрдасть несколько бомба Южная Ирак-са фки ош лангс.

(ТАСС).

ИДЕНОНЬ ЗАЯВЛЕНИЯЦ

Кода азондсы Рейтер агент-ствась, иностраннай тевонь английский министр Иден азозе, што английский прави-тельство примоси мерат гер-манский самолеттнень Сирияв этафтомасненок каршес. Иден мзрягсь, што сведенияхтне, ко-нат улихть английский прави-тельство вядьса, корхтайхть слянь колга, што французский властне максеть разрешения немецненди использовандамс Сирияса аэродромнень Ираку

лиендемс. Английский прави-тельство примась мерат си-рийский аэродромнень эса не-мецкий ня самолеттнень дейс-виясненок каршес. Французский правительствась, корхтай Иден, аф мяневи ответственность эзда тиевикс положениях инкса.

Иден азозе, што США-ть правительстванц тя кизефксть содасы марнек.

(ТАСС).

ОБЩИНАНЬ ПАЛАТАСА ЧЕРЧИЛЛЕНЬ ВЫСТУПЛЕНИЯЦ

Кода азондсы Рейтер агент-ствась, Черчилль изъ тие общи-нань палатаса заявления ино-страннай тевонь министерс-твась представителенц Киркпат-риконь Гесс мархта переговон-зон колга. Черчилль мзрягсь, што сон общинань палатаса

тии соответствующей заявле-ния эста, мзярда тиянди ули возможность. «Но, — мзрягсь Черчилль, — тяфтама заявлени-янь тиематни пингоны коткам-ста мон карман руководствон-дама общественнай интереснень мархта».

(ТАСС).

Тонафнесазь военной тевть

Оцю мяльса тонафнесазь военной тевть «Светлый путь» колхозонь од ломаттне.

1922 кизоня шачф допри-зывникнень ламосна максозь норматнень ПВХО-нь и ВС-нь значокненди. Военнай тевть тонафнемаса пйак цебарь показа-тельхть няфнихть И. Н. Шеб-летов, С. И. Лещев, Н. П. Кло-ков, Г. Якунин.

Июнь 15-це шистонза комсо-молецне и аф союзнай од ло-маттне макссазь норматнень ГСО-нь значокс.

И. Матвеев.
С.-Синдровский район.

Ответ. редакторсь
И. ЧУДАЙКИН.



«СССР Н-169» самолетть высокоширотнай экспедицияц

СНИМКАСА: 3-це № лдынаць лангса.
Тумда инголе прощальной салютсь.

(Фотось Черевичнайть).